

Bosna i Hercegovina
Federacija Bosne i Hercegovine
Kanton Sarajevo
JU Treća gimnazija
Vijeće roditelja školske 2023/24. godine

Sarajevo, 27. 09. 2023. godine

ZAPISNIK

Prve redovne sjednice Vijeća roditelja

Prva ^{redovna} vanredna sjednica Vijeća roditelja održana je 27.09.2023. godine u školskoj biblioteci Treće gimnazije sa početkom u 18.00 sati.

Sjednici je prisustvovalo 21 član Vijeća roditelja (od neophodnih 13 koliko iznosi kvorum neophodan za odlučivanje prema članu 16. Poslovnika o radu Vijeća roditelja) kao i predstavnik roditelja u Školskom odboru g. Muhamed Kučuk. Prvoj sjednici Vijeća roditelja nisu prisustvovala 3 člana: predstavnik II-2, g. Adnan Hajrulahović, koji je najavio odsustvo, predstavnica II-3, gđa. Senada Omerović, i predstavnik IV-6, g. Mirza Terzo.

Sjednici su prisustvovali predstavnici škole: direktorica, gđa. Amra Čolić, psiholog, gđa. Merima Pašalić, i pedagog, gđa. Hasija Dedović. Sjednici je također prisustvovao predsjednik Udruženja „Alumini Treće gimnazije Sarajevo“, g. Anel Tahirebegović. Prisustvo sjednici je najavio i predsjednik prošlogodišnjeg sastava Vijeća roditelja, g. Hasan Pleh, ali iz opravdanih razloga nije mogao biti prisutan.

Sjednicu je otvorila direktorica škole gđa. Amra Čolić pozdravljanjem roditelja te iskazivanjem želje za uspješanim radom i saradnjom u školskoj 2023/24. godini. Prije početka sjednice izvršeno je zajedničko fotografisanje članova Vijeća roditelja za školski časopis „Godišnjak“ i web stranicu škole.

Predložen je sljedeći dnevni red, koji je članovima Vijeća roditelja prethodno dostavljen e-mailom:

1. Konstituiranje Vijeća roditelja JU Treća gimnazija za školsku 2023/24. godinu prema čl. 4 Poslovnika o radu Vijeća roditelja JU Treća gimnazija
2. Upoznavanje sa Poslovníkom o radu Vijeća roditelja JU Treća gimnazija i usvajanje Poslovnika
3. Upoznavanje roditelja sa Protokolom komunikacije i saradnje roditelja sa školom JU Treća gimnazija
4. Izveštaj o radu Vijeća roditelja za školsku 2022/23. godinu
5. Izbor rukovodstva Vijeća roditelja JU Treća gimnazija u školskoj 2023/24. godini, prema čl. 7 Poslovnika o radu Vijeća roditelja JU Treća gimnazija
6. Formiranje Komisije za primopredaju dužnosti prema čl. 9 Poslovnika o radu Vijeća roditelja JU Treća gimnazija

7. Upoznavanje roditelja sa Izvještajem o rezultatima uspjeha učenika u učenju i vladanju u školskoj 2022/23. godini
8. Predstavljanje člana u Školskom odboru JU Treća gimnazija iz reda roditelja
9. Predstavljanje rada Uduženja „Alumni Treće gimnazije Sarajevo“
10. Tekuća pitanja:
 - Izvještaj o utrošku novičanih sredstava sa projekta „Naših ruku djela“
 - Podrška i doprinos roditelja radu škole
 - Fotografiranje članova Vijeća roditelja za objavu na web stranici i „Godišnjaku“

Predloženi dnevni red je jednoglasno usvojen.

Ad/1

Direktorica škole gđa. Amra Čolić izvršila je prozivku prisutnih roditelja kao odabranih predstavnika svojih odjeljenja u Vijeću roditelja Treće gimnazije u tekućoj školskoj godini. Time su ispunjeni uvjeti za konstituiranje Vijeća roditelja za školsku 2023/24. godinu prema članu 4. Poslovnika o radu Vijeća roditelja Treće gimnazije.

Ad/2

Zbog odsustva predsjednika Vijeća roditelja iz saziva školske 2022/23. godine g. Hasana Pleha, direktorica škole gđa. Amra Čolić prisutne je upoznala s postojećim Poslovníkom o radu Vijeća roditelja JU Treća gimnazija koji je prethodno dostaljen putem mail-a roditeljima uz poziv na Prvu redovnu sjednicu. Nije bilo prijedloga za izmjene Poslovnika od strane članova Vijeća roditelja. Poslovník je dat na usvajanje te je jednoglasno usvojen.

Ad/3

Zbog odsustva predsjednika Vijeća roditelja iz saziva školske 2022/23. godine g. Hasana Pleha, pedagog škole gđa. Hasija Dedović je upoznala prisutne o Protokolu komunikacije i saradnje roditelja sa školom, koji je donesen u martu 2023. godine od strane Vijeća roditelja i Nastavničkog vijeća, a na prijedlog Komisije koja je radila na izmjenama i dopunama Protokola iz 2018. godine. Protokol je također dostavljen članovima Vijeća roditelja putem mail-a uz poziv na Prvu redovnu sjednicu. Gđa. Dedović je dodala da su svi razrednici na roditeljskim sastancima upoznali roditelje s navedenim dokumentom.

Ad/4

Zbog odsustva predsjednika Vijeća roditelja iz saziva školske 2022/23. godine g. Hasana Pleha, pedagog škole, gđa. Hasija Dedović, upoznala je prisutne s Izvještajem o radu Vijeća roditelja u školskoj 2022/23. godini.

Ad/5

Direktorica škole gđa. Amra Čolić prisutne podsjetila na član 7. Poslovnika o radu Vijeća roditelja koji se tiče izbora rukovodstva Vijeća, te pozvala roditelje da iznesu svoje prijedloge za imenovanje rukovodstva Vijeća roditelja za školsku 2023/24. godinu.

G. Izet Turković je predložio gđu. Snježanu Brkić uz obrazloženje da ima iskustva u tome jer je prije nekoliko godina već bila predsjednica Vijeća roditelja i tu ulogu je izvrsno obavljala.

Zatim se obratila gđa. Brkić zahvaljujući na prijedlogu i navela da ne može prihvatiti prijedlog zbog obaveza koje ima, te dala kratko obrazloženje zašto ne bi mogla ove godine kvalitetno obavljati funkciju predsjednika Vijeća roditelja. Ali je naglasila da će dati maksimalni doprinos radu Vijeća roditelja kao član Vijeća roditelja.

Gđa. Aida Aganović prijavila se kao zainteresirana za predsjednicu Vijeća roditelja a nakon toga je gđa. Amra Škapur predložila g. Tihomira Veselinovića za istu funkciju. Prijedlog za sekretara Vijeća roditelja bio je g. Izet Turković.

Usljedilo kratko predstavljanje delegiranih osoba a zatim se pristupilo glasanju pri čemu su gđa. Aganović i g. Veselinović dobili jednoglasnu podršku prisutnih članova Vijeća roditelja za funkciju predsjednika odnosno zamjenika predsjednika Vijeća roditelja. Za sekretara Vijeća roditelja izabran je g. Turković također jednoglasno.

Ad/6

Pedagog škole, gđa. Hasija Dedović, obratila se prisutnima vezano za Komisiju za primopredaju dužnosti koju će činiti predstavnici rukovodstva Vijeća roditelja školske 2022/23. godine i izabrani predstavnici rukovodstva Vijeća roditelja školske 2023/24. godine, a prema članu 9. Poslovnika o radu Vijeća roditelja JU Treća gimnazija. Gđa. Dedović je napomenula da se kompletna dokumentacija Vijeća roditelja iz prethodnih školskih godina nalazi u arhivi škole JU Treća gimnazija. U tom smislu će biti pripremljen Zapisnik o primopredaji dužnosti i dokumentacije koji će, nakon što izvrše uvid, članovi Komisije potpisati.

Ad/7

Psiholog škole, gđa. Merima Pašalić, je prisutne upoznala s Izvještajem o rezultatima učenika u učenju, vladanju i izostancima u školskoj 2022/23. godini. Cjelokupni izvještaj će biti poslan roditeljima putem mail-a.

Ad/8

Predstavnik roditelja u Školskom odboru, g. Muhamed Kučuk, se predstavio prisutnima i najavio svoje redovno prisustvo sjednicama Vijeća roditelja i pozvao roditelje na delegiranje pitanja prema Školskom odboru.

Ad/9

Predsjednik udruženja „Alumni Treće gimnazije Sarajevo“, g. Anel Tahirbegović se predstavio prisutnima i dao osvrt o ideji za osnivanje udruženja bivših učenika škole te aktivnostima grupe

bivših učenika koji su radili na formiranju i registriranju udruženja „Alumni Treće gimnazije Sarajevo“. On je istako da je u fokusu rada Udruženja, između ostalog, podrška radu škole JU Treća gimnazija, promocija škole u zajednici i šire, praćenje i podrška talentiranih učenika, zajednički projekti i sl. Posebno je istako značaj takmičarskog projekta Centar za izvrsnost i liderstvo Treće gimnazije u čijoj komisiji je sudjelovao pri odabiru 10 najizvrsnijih učenika u školskoj 2022/23. godini. Osvrnuo se i na projekt inerkulturalne razmjene učenika Treće gimnazije sa učenicima gimnazije iz Japana, pri čemu je istakao posvećenost članova ovog Udruženja koji su osmislili, podržali i pratili aktivnosti koje su naši učenici i Uprava škole realizirali tokom posjete učenika iz Japana u julu i augustu ove godine. Na kraju obraćanja je naveo da žele okupiti još veći broj bivših učenika škole u ovo Udruženje, koji žive u raznim krajevima svijeta, a koji bi zatim dali svoj doprinos školi i njenim učenicima kroz edukacije, projekte, izgradnju različitih životnih vještina.

Ad/10

Direktorica škole gđa. Amra Čolić je prisutnima pojasnila da je predsjednik Udruženja pozvan kako bi roditeljima potvrdio posvećenost Udruženja ovoj školi te odličnu zajedničku saradnju koju imamo sa njihovim članovima. Navela je da će obje strane raditi na tome da se saradnja nastavi kvalitetno kao i do sada.

Direktorica škole gđa. Amra Čolić prisutne je upoznala sa izvještajem o utrošku novčanih sredstava koji su sakupljeni na projektu „Naših ruku djela“ sa školskog bazara i o novčanim donacijama roditelja, bivših učenika i ostalih prijatelja škole, a koja su bila usmjerena na troškove ekskurzije za učenike četvrtih razreda koji su bili u potrebi za ovakvom vrstom potpore. Napomenula je da ukoliko neko od članova Vijeća roditelja želi izvršiti uvid u taj izvještaj, utrošena sredstva, račune i sl. to može učiniti u Upravi Škole uz prethodnu najavu.

Direktorica škole gđa. Amra Čolić obratila se roditeljima sa pojašnjenjem da ove školske godine nedostaju novčana sredstva koja smo do sada primali iz participacije roditelja u minimalnim učeničkim troškovima školovanja, koji je prethodnih godina zajedno sa osiguranjem iznosio 60,00 KM. Upoznala je prisutne s odlukom Ministarstva za odgoj i obrazovanje KS o ukidanju participacije za sve srednje škole u Kantonu Sarajevo. Navela je da zbog toga dolazi u pitanje realizacija mnogih vannastavnih aktivnosti i školskih projekata i sl. iz čijeg fonda su se finansirale ove aktivnosti.

Zatim je otvorena diskusija na ovu temu sa ciljem iznalaženja adekvatnog načina rješavanja novonastalog problema.

Zaključeno je da će Vijeće roditelja djelovati u traženju načina za prevazilaženje ovog problema i ispitivanja mogućnosti davanja finansijske potpore vannastavnim aktivnostima i projektima škole i učenika kako bi se iste nastavile provoditi (kao i drugi oblici odgojno-obrazovnog rada sa učenicima) uz uvjet konsultacija Vijeća roditelja o pravnoj osnovi takvog djelovanja.

Predsjednik udruženja „Alumni Treće gimnazije Sarajevo“ je potvrdio da će Udruženje dati svoj doprinos.

Dogovoreno je se održi vanredna sjednica Vijeća roditelja na kojoj će se razmatrati ova pitanja i donijeti konačna odluka.

Gđa. Snježana Brkić je pozvala članove Vijeća roditelja da, radi brže i lakše komunikacije roditelja sa roditeljima iz svojih odjeljenja, formiraju mail liste roditelja unutar svog odjeljenja. Pored toga pozvala je novo rukovodstvo da nastave saradnju sa Vijećem učenika. Predložila je da se u skladu sa Poslovníkom o radu Vijeća roditelja (član 28.) donese odluka o saradnji sa Kantonalnim Vijećem roditelja. Roditelji su jednoglasno usvojili ove prijedloge.

Također je dogovoreno da sekretar Vijeća roditelja putem mail-a, a nakon održanih sastanka Vijeća roditelja, redovno šalje članovima Vijeća roditelja prijedlog zapisnika sa sjednice (koji bi onda članovi Vijeća roditelja prosljeđivali svojim odjeljenjima) kako bi informacije brže dolazile do svih roditelja učenika škole (budući da usvajanje zapisnika od strane Vijeća roditelja nekada zna potrajati).

Prva sjednica Vijeća roditelja završena je u 20.00 sati.

Zapisnik sastavila pedagog škole
JU Treća gimnazija Hasija Dedović

Hasija Dedović

Zapisnik ovjerila predsjednica Vijeća roditelja
JU Treća gimnazija Aida Aganović

Aida Aganović